

Protocol no. 86
Sezzüda da gövqia, als 19 december 2013 **19.30 - 22.15**

Preschaints: Albert Mayer, Andri Poo, Men Caviezel, Dumeng Jann,
Marianne Werro-Lehmann e'l manader tecnic, Christian Poo
(protocol)

S-chüsà: L'actuar Marco Fallet

Protocol

Il protocol no. 85 da la sezzüda da lündeschdi, als, 2 dezember 2013 d'eira fingià gnü approvà ed eir publichà.

770 021 FABRICA
Martin Etter; iglu da lain pro'l bain Tschern

Il patrun da fabrica vaiva plazzà sper la chasa d'abitar pro'l bain Tschern ün iglu da lain, il qual vain trat a nüz sco adöver turistic (agroturissem). Per quel intent nu d'eira gnüd'inoltrada ingüna dumonda per fabricats dadour la zona «BAB» a l'istanza chantunala.

Sün pretaisa da la cumischiun da fabrica es gnüd'inoltrada davopro la dumonda. La documaint'ais avantman in möd cumplet. La cumischiun ha trattà la fatschenda e sün proposta da quella decid'il cussagl d'inoltrar la dumonda in sen positiv a l'uffizi chantunal pel proceder dal BAB.

771 021 FABRICA
Duri Vital; dumonda da princip / chasa d'abitar nouva cun büro
Prà Grond

Il schef da fabrica, Dumeng Jann, orientescha chi ha gnü lö üna sezzüda cul perit, Renato Maurizio e cul patrun da fabrica a regard il cas manzunà il titul. A man da la documainta gnüda surelavurada nouv dal patrun da fabrica, ha il perit tut posiziun in scrit a man da la cumischiun da fabrica.

Il manader tecnic, Christian Poo, preschainta la documainta al cussagl e manzuna, cha la cumischiun haja trattà il cas a chaschun da si'ultima sezzüda e cha quell'accepta la proposta preschantada. Cun vusch unanima decid'il cussagl da dar glüm verda al patrun da fabrica per cha quel possa proseguir cul proget.

772 021 FABRICA
Curdin Horber; dischlocaziun da la remissa a Varclaina

L'acconsentimaint davart da l'uffizi per il svilup dal territori dal Grischun (BAB) ais avantman. In basa da quai e da la proposta da la cumischiun conced'il cussagl il permiss da fabrica cun vusch unanima.

773 021

FABRICA

Domenic Augustin; portas da garascha chasa a Plaz

Il cussagl cumünal vaiva giavüschà a Domenic Augustin da tour posiziun in fatschenda manzunad'ìl titel. Ultra da quai ha quel d'inoltrar la documainta correspondentia. Davopro deciderà lura Il cussagl in fatschenda.

774 021

FABRICA

**Frars Bonavia; porta supplementara pro la lobgia existenta
fatschada süd chasa in Plazzetta**

La cumischiun da fabrica ha examinà la dumonda per realisar üna porta supplementara pro la lobgia existenta, fatschada süd, da la chas'in Plazzetta. La fatschenda'ais statta publichada ed i nu sun entradas ingünas protestas. Sün proposta da la cumischiun da fabrica vain concess il permiss da fabrica.

775 021

FABRICA

**Armon Taverna; mür da sustegn, suottet e deposit d'üna
chamonna da lain sülla parcella 586 in Tanter Vias**

La cumischiun da fabrica ha constatà, cha sülla parcella no. 586 in Tanter Vias, in posses dad Armon Taverna, saja gnü construi giosom la scarpada ün mür da sustegn da beton, chi cunfina culla via cumünala da Sinestra. Implü es gnü construi ün suottet in construcziun da lain e metal, sco eir gnü deposità sper quel amo üna chamonna da lain.

La parcella surmanzunda as rechatt'illa zona da cumün schlargiada, però i'l perimeter cun scumond da construcziun ota. Quai significha, cha sün quella surfatscha nu das-chan gnir realisats ingüns stabilimaints da construcziuns otas.

Il cussagl decida, sün proposta da la cumischiun da fabrica, da pretender üna posiziun in scrit in fatschenda.

776 021

FABRICA

**Albert Mayer; müdamaint d'adöver plan terrain chasa no. 33B a
Saglina**

Il Capo, Albert Mayer, piglia recusaziun. La cumischiun da fabrica ha examinà la dumonda per ün müdamaint d'adöver illa chas'a Saglina. In üna part da las localitats dal plan terrain, fin uossa gnüd'utilisada sco localitats da büro, es previs da construir landroura ün'abitaziun. Seguond sclerimaints cul uffizi chantunal, sto causa müdamaint d'adöver e tenor prescripziuns da la ledscha da seguondas abitaziuns, gnir inscritta l'abitaziun nouva i'l cudesch fundiari sco prüm'abitaziun. Il cussagl decida da conceder quel permiss suot la cundiziun surmanzunada.

777 021

FABRICA

Georg Lutz; collaudaziun dal fabricat a Stron

Il schef da fabrica orientescha, cha'l manader tecnic e sia persuna han collaudà d'incuort il fabricat da Georg Lutz a Stron. Là es gnü constatà, cha la lucarna da la vart vers vest nu correspuond'als plans acconsentits. Concess d'eira gnüda la lucarna cun üna larghezza da 1.90m, realisada ais quella però gnüda cun üna larghezza da 2.19m. Tenor ledscha da fabrica ais admissa per chasas prottetas e degnas da gnir mantgnüdas üna larghezza da max. 2.00m.

Sün proposta da la cumischiun da fabrica decid' il cussagl, cha la lucarna sto gnir fabrichad'inavo sülla larghezza maximala tenor ledscha da fabrica.

778 021 FABRICA

Andreas Ovenstone; prolungaziun permiss da fabrica

Davart dal patrun da fabrica, Andreas Ovenstone, d'eira gnüda inoltrada la dumonda per üna prolungaziun dal permiss da fabrica per pudair realisar las ultimas lavuors vi da sia chasa in Plaz. Cun üna visita oculara han il schef da fabrica, Dumeng Jann ed il manader tecnic pudü collaudar la gronda part dal fabricat fini ed a man da las novas directivas a regard la ledscha da seguondas abitaziuns, communicchè al patrun da fabrica che chi sto gnir accumulì per pudair survgnir üna prolungaziun dal permiss da fabrica.

A man da quellas indicaziuns e sün proposta da la cumischiun da fabrica, decid'il cussagl da conceder üna prolungaziun dal permiss da fabrica per max. ün ulteriur on.

779 021 FABRICA

Ulrich Franke; prolungaziun permiss da fabrica

Davart dal patrun da fabrica, Ulrich Franke, d'eira gnüd'inoltrada la dumonda pella prolungaziun dal permiss da fabrica a regard la realisaziun da las ultimas lavuors vi da sia chasa in Archas. In basa d'üna visit'oculara ed in resguardond las directivas chantunalas per seguondas abitaziuns, ais gnü communicchè al patrun da fabrica che premissas chi ston gnir accumulìdas per survgnir üna prolungaziun dal permiss da fabrica. A man da quellas indicaziuns e sün proposta da la cumischiun da fabrica, decid'il cussagl da conceder üna prolungaziun dal permiss da fabrica per max. ün ulteriur on.

780 021 FABRICA

Fam. Andrea Bodnar-Jenny; cumanzamaint lavuors da fabrica

Cullas lavuors da fabrica pro la chas'in Plazzetta es gnü cumanzà al principi dal mais, quai tenor las novas directivas da la ledscha da seguondas abitaziuns e pretaisa davart dal cumün. Dürant il mais schner ais previss'üna visit'oculara. Davo quella gnarà lura decis in fatschenda.

781 DIVERSAS SCHEFS

Proget fusiun dals 6 cumüns

Il capo orientescha, cha'l principi da l'eivna chi vain gnarà publichada la versiun la plü actuala dal rapport dal proget da fusiun. In quel as chatt'eir tuottas decisiuns da la regenza a regard il proget da fusiun dals 6 cumüns.

Implü orientesch'il capo, ch'a chaschun da lur sezzüda dals 18 december, han ils 6 capos dals cumüns fixà las seguaintas datas:

- 17.02.2014 ils cussagls resp. las suprastanzas, delibereschon la missiva da votaziun
- 27.02.2014 va la missiva in stampa
- 07.03.2014 dar la missiva in posta pella spediziun
- 14.03.2014 la missiva es scumpartida da la posta a la populaziun
- 29.03.2014 radunazas da votaziun ad Ardez, Guarda e Tarasp
- 30.03.2014 votaziun a l'urna, Scuol, Ftan e Sent

als 30.03.2014 a las 12.00h vegnan publichats ils resultats da la votaziun

Las datas pellas radunanzas cumünalas d'orientaziun i'ls singuls cumüns:

- 19.02.2014 radunanza a Guarda
- 20.02.2014 radunanza a Sent
- 24.02.2014 radunanza a Scuol
- 03.03.2014 radunanza a Tarasp
- 04.03.2014 radunanza a Ftan
- 11.03.2014 radunanza ad Ardez

La prosma sezzüda da la gruppa da proget ha lö als 8 schner 2014 a las 16:00 in sala cumünala a Scuol. In seguit (20:00h) ha lö la sezzüda cullas suprastanzas cumünalas.

Dumonda sepultüra i'l sunteri a Sent

Marianne Werro, cusgliera dal dicasteri, orientescha sur da la dumonda davart üna duonna na domiciliada a Sent, schi detta la pussibiltà da gnir sepulida (urna) illa fossa da seis hom, sepuli dal 1997, opür illa fossa cumünaivla i'l sunteri da Sent.

Causa cha'l trapassà vaiv'üna stretta colliaziun cun nos cumün, decid'il cussagl da conceder quel dret.

Aurelio Casanova (uffizi d'agricultura e da geoinfuormaziun)

Charta da cumgià e d'ingrazchamaint

Men Caviezel, cusglier dal dicasteri, prelegia la charta survgnida da sar Aurelio. Quel ingrazch' al cumün per la fich buna collavuraziun d'ürant ils ultims dudesch ons sco impiegà chantunal pro l'uffizi surmanzunà. El banduna uossa l'uffizi, seis successur dvaint'a partir da schner 2014 Daniel Buschauer.

Mantegnimaint da las sendas cumünalas – rapport dad Armon Nuotclà

Men Caviezel e Marianne Werro, respunsabels per quel dicasteri, orienteschan sur dal rapport da l'on dad Armon Nuotclà, survagliant da las sendas cumünalas.

In quist'ocasiun ingrazch'il cussagl ad Armon per sia lavur e seis ingaschamaint a favur da nos cumün.

Desditta da la piazza sco survagliant da surfatschas agriculas

Men Caviezel, cusglier dal dicasteri, orientescha ch'Emil Poo haja desdit sülla fin da l'on 2013 si'incumbensa sco survagliant da las surfatschas agriculas.

In che möd cha quista lezcha sto gnir publichada, per chi po gnir chattà ün successur, vain scleri cul respunsabel da l'uffizi chantunal.

Cumprita veicul cumünal

Andri Poo, cusglier dal dicasteri orientescha, cha per ün dals veiculs cumünals stuves gnir investi massa blera munaida per cha quel riviss tras la controlla da veiculs motorisats. Sün proposta dal manader tecnic e dal silvicultur, decid'il cussagl da comprar ün veicul d'ocasiun (jeep marca Mazda) davart la garascha Men Zanetti pel predschi d'offerta da fr. 11'980.-- e da conceder il credit correspondent.

Planisaziun cumünala

Dumeng Jann, cusglier dal dicasteri, orientescha cha l'uffizi chantunal ha confermà in scrit d'avair survgni tuotta documainta a regard il proget da la planisaziun cumünala e cha las lavuors da la preexaminaziun gnaran effetuadas plü svelti pussibel.

Dumonda sustegn finanziel – cors virils Zernez, Val Müstair e Scuol

Il capo orientescha chi saj'entrada üna dumonda dals 3 cors virils Zernez, Val Müstair e Scuol per ün sustegn finanziel. A chaschun da la festa da giubileum 100 ons Parc Naziunal Svizzer sun previs d'ürant la primavaira 2014 trais concerts plü gronds illa regiun. Per pudair finaziar quels arrandschamaints dumondan ils cors per ün sustegn finanziel dals cumüns. Il cussagl decida da sustgnair quel intent cun ün import da frs. 600.--.

782

ORIENTAZIUNS

Vendita chasa da la posta

Il capo orientescha, cha'l contrat da compra resp. vendita per la chasa da la posta saja hoz gnü firmà. Al cumproprietari in condomini ais gnü concess il prim dret da compra in cas scha'l cumün vess d'avair üna jada l'intenziun da vender sia part, la quala serv'actualmaing sco agentura da posta e büro da turissem. Cun quai va il cussagl d'accord cun vusch unanima.

Festa d'inauguraziun sculptura Gottfried Honegger

A la festa d'inauguraziun in Avant Baselgia d'eiran preschaintas raduond 40 personas. Pro quell'ocasiun ha l'artist, sar Gottfried Honegger, surdat al cumün in möd symbolic sia sculptura.

Sistem d'alarm cunter lavinias – Val Sinestra

D'incuort ha gnü lö üna sezzüda a regard il privel da lavinias i'l cuntegn da l'Hotel Val Sinestra. Sper las variantas cuntschaintas fin da qua, ha l'indschegner forestal, Gian Cla Feuerstein, preschantà ün nouv sistem d'alarm chi pudess eir gnir trat a nüz per ameglrdar la sgürezza cunter lavinias.

Davo plüssas discussiuns vain decis, cha'ls possessurs da l'hotel dessian inoltrar d'ürant las prosmas eivnas lur ideas e lur argumaints a man dal cumün. Sün quella bas'as spera da chattar üna soluziun acceptabla per tuottas parts.

Rapport servezzan da lavinias

Il capo prelegia il rapport dal president da la cumischiun da lavinias, Cla Rauch. D'ürant l'inviern passà han bainschi stuvü gnir minats diversas jadas ils cuntegns da Val da Ruinas e da Vallatscha, quai chi nun ha però chaschunà privels plü gronds e rumpatesta pels respunsabels da la cumischiun.

Contact alianza da las alps – finanziaziun punts pendentas in Sinestra - Zuort

Il capo orientescha ch'el haja gnü contact culs respunsabels da l'alianza da las alps a regard ün'eventual sustegn finanziel pel proget da las punts Sinestra – Zuort.

Orientaziun pulizia chantunala

La pulizia chantunala ha orientà al cumün, ch'a partir da subit es Buolf Näff la persuna da contact per tuottas controllas da pulizia a Sent. El dvaint'uschè successur da Tinet Schmidt.

783

VARIA

Suot Varia vegnan fixats alchüns termins per sezzüdas ed aboccamaints.

Per l'actuar:
Christian Poo

Il capo:
Albert Mayer